

ARREST DE LA COVR DES MONNOYES:

9.J 1648

PORTANT NOUVEAV DELAY POVR
l'exposition des especes d'or & d'argent le-
geres ; avec defenses de refuser les Quarts
d'escus tant vieux que nouveaux, du poids y
declaré, pour vingt & vn sols : Comme aussi
d'exposer & recevoir les especes d'or & d'ar-
gent à plus haut prix que celuy porté par les
Ordonnances, sur les peines y mentionnées.



A PARIS,

Chez SEBASTIEN CRAMOISY, Imprimeur
ordinaire du Roy, de la Reyne Regente,
& de la Cour des Monnoyes.

M. DC. XLVIII.

Avec Privilege de sa Maiesté.

AMERICAN
LIBRARY
NEW YORK

THE NEWBERRY
LIBRARY
NEW YORK

Case

F

39

.326

1648 f

THE NEWBERRY
LIBRARY



EXTRAICT
DES REGISTRES
de la Cour des Monnoyes.



VR ce qui a esté re-
presenté à la Cour
par le Procureur Ge-
neral du Roy en icel-
le , que le dernier delay pour
l'exposition & conuertisse-
ment des especes d'or & d'ar-
gent legeres au marc , estoit
expiré dès le 31. Decembre der-
nier passé; il est necessaire pour
la facilité du commerce de
donner vn nouueau & dernier

delay pour trois mois seulement, & requiert y estre pourueu: La matiere mise en deliberation, tout consideré: LA COUR faisant droit sur le requisitoire dudit Procureur General, a donné & donne delay pour l'exposition des especes d'or & d'argent legeres au marc, iusques au dernier Mars prochain, sans esperance d'autre delay: Durant lequel temps, ordonne ladite Cour que lesdites especes legeres seront portées tant en la Monnoye du moulin de cette ville de Paris, qu'en celles qui sont & seront establies dans les Prouinces, pour y estre conuerties, & la valeur rendue,

comme il est accoustumé. Et
 que les especes d'argent de
 France, pesantes avec le reme-
 de des grains accordez par la
 Declaration de sa Maiesté, re-
 gistrée en ladite Cour le tren-
 tième Octobre mil six cens
 quarante, auront cours com-
 me cy-deuant. Faisant ladite
 Cour tres-expresles inhibi-
 tions & defenses à toutes per-
 sonnes, de refuser les Quarts
 d'escus, tant vieux que nou-
 ueaux du poids de sept deniers
 douze grains trébuchans, pour
 vingt & vn sols; les Francs du
 poids de onze deniers vn grain
 trébuchans pour vingt-huit
 sols; les Testons pesans sept de-
 niers dix grains trébuchans

pour vingt sols six deniers , & les demys à proportion ; à peine de cinq cens liures d'amende pour la premiere fois , & de punition corporelle pour la seconde : Ny d'exposer & recevoir les especes d'or & d'argent à plus haut prix que celuy porté par les Ordonnances , sur les mesmes peines : Ordonne en outre ladite Cour , qu'il sera incessamment informé tant en cette ville de Paris , que dans les autres du Royaume , à la requeste dudit Procureur General , contre ceux qui ont exposé , exposent & reçoivent iournellement lescites especes à plus haut prix que celuy porté par les Ordonnances ; & qu'à

la diligence dudit Procureur
General le present Arrest sera
publié par tout où besoin sera.
FAIT en la Cour des Mon-
noyes le neuvième Ianuier mil
six cens quarante-huit.

Signé, DELAISTRE.

L An mil six cens quarante-huit,
le Samedi onzième iour de Ian-
uier, l'Arrest de la Cour des Monnoyes
cy-dessus, a esté leu & publié à son de
Trompe & cry public par les carrefours
& autres lieux tant ordinaires qu'ex-
traordinaires de cette Ville & Faux-
bourgs de Paris, en la presence de nous
Iean Gerin premier Huissier en ladite
Cour, & Iacques Blondel aussi Huissier
en icelle; par Iean Iossier Iuré Crieur en
ladite Ville, Preuosté & Vicomté de

Paris, accompagné de trois Trompettes
 commis des trois Iurez Trompettes du
 Roy, à ce qu'aucun n'en pretende cause
 d'ignorance.

Signé, GERIN & BLONDEL.

Collationné à l'Original par moy Conseiller,
 Secrétaire du Roy, Maison & Couronne
 de France, & de ses Finances, & Greffier
 en chef de la Cour des Monnoyes.